



UNIVERSITÄTS-
BIBLIOTHEK
PADERBORN

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. II. Solvuntur objections

[urn:nbn:de:hbz:466:1-77132](#)

ARTICULUS IV.

An Theologia sit eminenter formaliter speculativa & practica?

§. I.

Quibusdam premis, conclusio affirmativa statuitur.

Notandum primò, aliquam perfectionem contineri posse in aliquo tripliciter: nempe formaliter tantum, sicut rationalitas est in homine: eminenter tantum, sicut calor in Sole; formaliter simul & eminenter, sicut sensitivum & vegetativum in anima rationali, justitia & misericordia in Deo.

Notandum secundò, inter habitum speculativum & practicum, hanc esse differentiam: quod primus sistit in sola veritatis contemplatione, secundus vero ordinatur ad operationem, vel immediate eam dirigendo & regulando, sicut prudens, & ars, vel saltrem mediate & remota, ut patet in synderesi, quæ habitus practicus est, & tamen, non immediate, sed mediante prudentiâ dirigit studiosam operationem; & in Ethica, quæ est scientia practica, quia tradit regulas humanorum actuum in communione, quas prudentia naturalis applicat ad hoc vel illud particulare factum.

Notandum tertio, ea quæ sunt dispersa in inferioribus, uniri & conjungi in superioribus, sicut visivum & auditivum in sensu communi, vegetativum & sensitivum in anima rationali; & sicut species quæ Angelus cognoscit naturam genericam animalis v.g. continet, & representatur naturam hominis, leonis, equi, &c. ut dicitur in tractatu de Angelis. His præmissis.

Dico, Theologiam esse eminenter formaliter speculativam & practicam, magis tamen esse speculativam, quam practicam. Ita D. Thomas hic art. 4. ejusque Discipuli, contra plures ex recentioribus, qui docent Theologiam esse tantum speculativam, vel tantum practicam, secundum diversos habitus partiales, ex quibus putant illam esse compositam & coalitam.

Probatur primò conclusio ex principiis articulo precedenti statutis. Ut enim ibidem ostendimus, Theologia habet pro ratione formaliter, Deum, sub ratione Deitatis; pro ratione vero sub qua, revelationem virtualem: Sed ex utroque capite habet, quod sit simul speculativa & practica: Ergo &c. Minor probatur: cùm enim Deus, sub ratione Deitatis, sit prima veritas, & ultimus finis, est etiam prima regula speculationis & praxis, primumque speculabile & operabile: operabile, inquam, non physicè, sed moraliter: quatenus actibus nostris meritoris, in ratione ultimi finis consequibilis est. Item revelatio virtualis supponit fidem, quae est eminenter formaliter speculativa & practica: cùm non solum inhaereat, & innatur primæ veritati revelanti; sed etiam ad operationem & dilectionem se extendat, ut docet S. Thomas 2.2. quest. 9. art. 3. his verbis: Fides primò & principaliter in speculatione consistit, in quantum inhaereat primæ veritati: sed quia prima veritas est ultimus finis propter quem operamur, inde etiam est quod fides ad operationem se extendit, secundum illud ad Galat. 5. fides per dilectionem operatur.

Tom. I.

A Confirmatur primò: donum scientiæ magis & principaliter speculacione respicit, quæ homo scit quæ fide tenete debeat: secundariò autem extendit se ad operationem, secundum quod credibiliū scientiæ in agendis dirigimur, ut ibidem docet S. Doctor, ex quo infert tale donum esse simul speculativum & practicum: Ergo similiter cum Theologia non sicut in contemplatione primæ veritatis, & articulorum fidei, sed etiam se extendat ad operationem, eam dirigendo, remotè saltem & mediately, quatenus tradit media quæ ad illam conducunt, non solum est speculativa, sed etiam practica, quamvis magis sit speculativa quam practica: quia ut ait S. Doctor hic art. 4. Principalius agit de rebus divinis, quam de actibus humanis, de quibus agit, secundum quod per eos ordinatur homo ad perfectam Dei cognitionem, in qua beatitudine consilist. Addo quod, fides à quæ Theologia dependet, priuò & principaliter est speculativa, ut docet D. Thomas loco supra citato: Ergo & Theologia.

Confirmatur secundò: Metaphysica est speculativa, quia agit de Deo ut primo principio, moralis vero, practica, quia tractat de ultimo fine, & mediis ad illum conducentibus: Ergo cum Theologia utrumque praeter, & consideret Deum in ratione primi principii, & ultimi finis; agarque de mediis ad illum conducentibus, simili erit speculativa & practica.

Confirmatur tertio: quæ sunt dispersa in inferioribus, uniuertur in superioribus, ut docet Dionylius, & constat in anima rationali, in sensu communi, & speciebus Angelicis, ut Aposlum in tertio notabili: Sed Theologia est superior ad omnes scientias naturales, cum versetur circa objectum infinitum, illudque attingat, sub lumine divinae revelationis: Ergo practicum & speculativum, quæ sunt differentiae divisiones scientiarum naturalium, adunantur in Theologia, & in ea eminenter formaliter continentur: sicut vegetativum & sensitivum in anima rationali, & visivum & auditivum in sensu communi.

Probatur secundò ratione quam indicat D. Thomas hic art. 4. his verbis: Licet in Philosophicis, alia sit doctrina practica, alia speculativa; Sacra etiam Doctrina comprehendit sub se utramque, sicut Deus eadē scientia cognoscit se & ea que facit. Ex quibus verbis ista hæc potest defini ratio. Theologia est quædam impressio, seu imago scientiæ divinæ, ut docet idem S. Doctor hic art. 3. ad 2. At scientia Dei est eminenter formaliter speculativa & practica, ut tractatu 3. ostendemus: Ergo & Theologia.

§. II.

Solvuntur objectiones.

Obiciens primò: duas differentias oppositas, 44 divisiæ alicuius generis, non possunt eidem speciei convenire, sicut rationale & irrationale eidem animali. Sed speculativum & practicum sunt differentiae oppositas, divisiæ scientiæ ut sic: Ergo non possunt simul convenire Theologiae.

Respondeo negando M. notem: practicum enim & speculativum, non sunt differentiae divisiæ scientiæ ut sic, & prout scientia est genus supremum, ad Theologiam & scientias naturales; sed tantum scientia naturalis ut sic, & prout est genus subalternum ad omnes scientias naturales.

B 3 C 4

Ut enim notat h̄c Cajetanus, speculativum & practicum se habeant ad scientiam ut sic, sicut visivum & auditivum ad sensum. Unde sicut sensus ut sic, prīmō dividitur in communem & propriū: propriū vērō sub dividitur in visum, auditum, &c. Ita scientia ut sic, dividitur prīmō in infinitam, id est habentem objectum infinitum, qualis est Theologia; & finitam, seu habentem objectum finitum, qualis est scientia purē naturalis; & h̄c subdividitur in speculativam & practicam. Quamvis ergo speculativum & practicum sint differentia essentiales distinguentes scientias finitas, subindeque non possunt in illis adunari; non tamen sunt differentiae essentiales scientiae infinitae, sed in illa adunari possunt, & eminenter formaliter contineri: quia, ut supra dicebamus, quae sunt dispersa in inferioribus, uniuersit in superioribus, & objectum infinitum, potest simul esse regula speculationis & praxis, cūm sit simul prima veritas & ultimus finis.

Dices, Metaphysica etiam considerat Deum, & tamen est purē speculativa: Ergo h̄c ratio nulla est.

Respondeo prīmō, Metaphysicam non respicere Deum, sub ratione Deitatis, sicut Theologiam, sed ut est ens abstrahens à materia intelligibili, nec illum considerare sub ratione ultimi finis, saltem formaliter & directe; cūm non agat de mediis ad illum conducentibus, sicut Theologia.

Respondeo secundō, quod licet daretur Metaphysicam respicere Deum sub ratione Deitatis, in hoc tamen differtur à Theologia, quod prima illum respiciat, ut cognoscibilem ex creaturis, & lumine naturali intellectus creati: secunda vērō eum attingat, sub lumine supernaturali fidei, quae est eminenter formaliter speculativa & practica, ut constat ex supra dictis.

Obiiciens secundō: si Theologia esset similiter speculativa & practica, quilibet etiam ejus actus esset speculativus & practicus: Sed hoc est falsum: Ergo &c. Major videtur manifesta, nam in quilibet actu reperiatur debet ratio formalis objecti & habitus. Minor vērō probatur. Ita conclusio Theologica, In divinis sunt quatuor relationes, videatur esse mērē speculativa; & h̄c, Peccatum mortale privat gratiā & charitate, ac inducit peccatum pona eterna, mērē practica: Ergo quilibet actus Theologiae non est simul speculativus & practicus.

Respondent aliqui negando minorem: ad cuius probationem, negant subsumptum: imo, inquit, quilibet pr̄dictarum conclusionum, est simul speculativa & practica: quia non debemus judicare, an aliquis actus sit speculativus, vel practicus, ex objecto materiali, sed ex ratione formalis: quacunque autem tractantur in Theologia, attinguntur sub lumine divinæ revelationis, & per se ordinantur ad Dei visionem, que simul est contemplatio primæ veritatis, & consecutio ultimi finis, ideoque simul includunt rationem practici & speculativi, quamvis secundum se, & secundum objectum materiale, apparent mērē speculativa, vel mērē practica. H̄c soluto probabilitate non caret.

Secundo tamen responderi potest, negando sequelam majoris, licet enim anima rationalis sit eminenter formaliter vegetativa & sensitiva, quilibet etiam ejus actus non est vegetativus & sensitivus: ita licet habitus Theologiae sit emi-

A nenter formaliter speculativus & practicus, non requiritur tamen, ut quilibet ejus actus utramque rationem habeat, quia quilibet actus non fertur ad omnia quae pertinent ad habitum: unde licet quilibet actus debeat participare rationem formalem habitus, non est tamen necessarium, quod illam totaliter & adaequatè partcipet: licet enim illa sit formaliter indivisibilis, virtualiter tamen visibilis est, & unitu inadæquatè convenire potest.

ARTICULUS V.

B An Theologia sit certior aliis scientiis & habituibus naturælibus?

§. I.

Tria premittuntur ad resolutionem questionis necessaria.

N Otandum prīmō: quod sicut duplex est 46 veritas una objectiva, quae est in rebus iphis; & alia formalis, quae reficit in intellectu cognoscente, ut docetur in Metaphysica, ita & duplex certitudo: una objectiva, quae est firma & invariabilis objecti determinatio; alia formalis, seu subjectiva, quae est firma adhæsio intellectus ad verum. Et h̄c adhuc est duplex: una impræpria, quae oritur ex sola motione & imperio voluntatis, determinantis intellectum ad assentendum alii objecto, ut contingit in Hereticis, qui non credunt ex motivo divinae revelationis, sed ex eo quod judicant unum articulum fidei esse credibilem, non vērō alium; & h̄c magis dicenda est pertinacia quam certitudo: altera propria, quae oritur ex efficacia medii, vel rationis determinantis intellectum ad assentendum veritati, & de hac solū procedit quaestio.

Notandum secundō: aliquam scientiam, vel habitum, posse dī. duobus modis aliò certiorē: Prīmo quoad se, quia scilicet ex se & ex sua natura, firmiores habet causas suæ certitudinis. Secundō quoad nos, quando scilicet ejus certitudo est magis connaturalis, & proportionata nostro intellectui, magisque illum satiat & quietat, quod contingit, quando certitudo est conjuncta cum claritate & evidentiā.

Notandum tertio: aliud quod aliquis habitus vel scientia sit certior prout est in nobis, & aliud quod sit certior quoad nos. Ad primum enim sufficit, quod talis habitus vel scientia, ut recepta in nostro intellectu, & quatenus illum informat, majorem ei trahat certitudinem, & adhæsionem ad verum: ad secundum vērō requiritur infupit quod talis certitudo sit magis connaturalis, & proportionata intellectui nostro, magisque illum quietat & quietet; magisque ab illo motus habitationis & dubitationis excludat. Qua distinctione diligenter annotanda est, ex ejus enim inadvertentia frequens contingit apud aliquos recentiores hallucinatio, & quietatio in hac materia.

§. II.

Triplex conclusio statuitur.

D Ico prīmō, Theologiam esse certiorem 47 quoad se, quilibet scientiā, & habitu naturali, non solum certitudine objectivā, sed etiam subjectivā. Ita D. Thomas hic art. 5 & omnes